

HIERONYMUS.

ΕΥΣΕΒΙΟΣ.

EUSEBIUS.

¹ SAPHAR, mons Saphar in deserto castra filiorum Israël.² SAPHARVAIM, de quibus locis Assyrii transmigrantes habitaverunt in Samaria, & ab ipsis Samaritanorum gens sumpsit exordium. Meminit horum & Esaias.³ SAPHIR, villa in montanis sita inter Eleutheropolim, & Ascalonem in tribu Juda.⁴ SAPHON, in tribu Gad supra Jordanem.

SAPHORIS. Vide infra SEPHORIS.

SARA. Vide supra SAARA.

SARAA. Vide supra SAARA.

SARAIM. Vide proximè SARAIN.

⁵ SARAIN, in tribu Juda.⁶ SARARA, civitas pergentibus Edom.

SARATHASAR, urbs in tribu Ruben, Jos. xiii. v. 19.

SARDIS, Lydiae in Asia civitas Ptolemæo, Straboni, Stephano.

⁷ SAREA, in tribu Dan, ubi Samson fuisse legimus, juxta Esaiol, de qua supra diximus.

SARED. Vide infra SARITH.

SAREDA, urbs in tribu Ephraim, natalis patria Jeroboam filii Nabath Ephrataei, ut habetur 3 Reg. xi. v. 26. qui fuit primus rex Israël scissio post Salomonem regno, idemque pessimus, & idololatriæ promulgator. Septuaginta Interpretes eam urbem mutato elemento vocant SARIRA, eamque in monte Ephraim, iidem Septuaginta in Romano codice constituunt 3 Reg. xii. v. 2.

SAREDATA, 2 Paral. iv. v. 17. videtur locus, vel urbs fuisse trans Jordanem in tribu Gad, quandoquidem & SOCHOT, cujus ibidem fit mentio, (inter quæ duo loca dicitur rex Salomon fuisse area templa) in eadem tribu Gad trans-Jordaninâ regione esset. Addo verò planè fieri verisimile, non esse aliam urbem à SARTHAN, quandoquidem idem de SARTHAN asseratur 3 Reg. vii. v. 46. nempe ea vasa inter Sochoth & Sarthan fuisse esse.

⁸ SAREPTA, civitas Sidoniorum in via publica sita, ubi habitavit quondam Elias.¹⁰ Σαρεπτά, κάμη Σιδωνίος ἐπίσημος, ἐνθα παρώκησεν Ἡλίας.

SAREPTA, oppidum Sidonis illustre, in quo habitavit Elias.

SAREPHTA. Vide proximè SAREPTA.

SARID. Vide paulo post SARITH.

SARION, mons alio nomine HERMON dictus, in extremis regionis Trans-Jordaninæ ad Aquilonem finibus. Deuteron. i. v. 9.

⁹ SARITH, terminus Zabulon.

Σαριθ, ὅριον Ζαβουλὼν.

SARITH, terminus Zabulon.

SAROHEN, urbs in tribu Simeonis Jos. xix. v. 6.

NOTÆ.

1. In versione nostrâ Sepher hæc Israëlitarum in deserto mansio appellatur, Num. 33. v. 23, 24. BONFRERIUS.

2. Hæc in versione nostrâ Sepharvaim appellatur 4 Reg. 17. v. 24, 31. Cap. 18. v. 34. Cap. 19. v. 13. Isaiæ 36. v. 19. Cap. 37. v. 13. esseque nomen civitatis habetur 4 Reg. 19. v. 13. & Isaiæ 37. v. 13. Fuisse autem à rege Assyriorum expugnatam, & ex ea colonos in Samariam translatis istis omnibus Scripturæ locis indicatur. Sed ubi, & in qua regione sita sit hæc civitas nusquam proditur: suspicor autem alicubi in Syria vel Mesopotamia fuisse, sicuti Emath & Arphad, quibus ferè ubique conjungitur. IDEM.

3. Hujus nulla usquam in Scriptura mentio. IDEM.

4. De hac habes Jos. 13. v. 27. Eadem alibi dicitur Sophan Num. 32. v. 35. IDEM.

5. In versione nostrâ Saraim appellatur Jos. 15. v. 36. vel Saarim 1 Paral. 4. v. 31. De duplici tamen Saraim vel Saarim vide supra in Saarim. IDEM.

6. Nusquam hanc vocem in versione nostrâ lego, sed neque apud Septuaginta interpretes reperi: mihi tamen non alius videtur locus hic

notari, quam qui in versione nostrâ 4 Reg. 8. v. 21. dicitur Seira, ubi rex Joram Idumæos, qui rebellaverant, nocte oppressit, ubi tamen apud Septuaginta interpretes constanter in omnibus codicibus lego Sior. IDEM.

7. Vide supra in Saara. IDEM.

8. In versione nostrâ Sarephta appellatur 3 Reg. 17. v. 10. ubi à vi-dua tempore famis pastus est Elias, hydra tarinæ inexhausta permanente, lecythoque olei. Oppidum est inter Tyrum & Sidonem situm, teste Josepho Lib. viii. Ant. Judaic. Cap. 7. Adrichomio, Cotovico, duobus à Sidone versus Austrum milliariibus, ut hi duo posteriores asserunt. Eam Radzivilus ad radices montis Carmeli statuit, meo iudicio parum rectè. IDEM.

9. In versione nostrâ Sarid vel Sared appellatur Jos. 19. v. 10, 12. IDEM.

10. Σαρεπτά] Cum hoc sit notissimum apud Græcos nomen urbis, cumque optimi quique Codices Versionis LX. Interpretum sic habeant, non video cur pertinaciter retineamus mendum manifestum Σαρεπτά, ut erat in utraque Editione hujus libelli. CLERICUS.